



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კავკასიური ფარშავანგთვალა



კავკასიური
ფარშავანგთვალა

კავკასიური ფარშავანგთვალა, (*Saturnia cephalariae*, Christoph, 1886), პეპელა ფარშავანგთვალათა (*Saturniidae*; *Attacidae*) ჯახიდან, სამხრ. კავკასიის მთის ტროპიკული წარმოშობის ენდემი. ფრენს ღამით; იშვიათი და ულამაზესი პეპელაა. საქართველო მისი გავრცელების ჩრდ. საზღვარია. სხეული მსხვილი და შებუსხვილია. წინა ფრთის სიგრძე 38-40 მმ, ფრთების ძირითადი ფონი – მონაცრისფრო მოყავისფრო. ფრთას გარეთა კიდეზე გასდევს დატალღურკიდიანი ფართო კრემისფერი არშია. ოთხივე ფრთის შუა ნაწილში ცულის ფორმის მონაცრისფრო-მოცისფრო ლაქაა – თითოეული შავრგოლიანი დიდი „თვალით“. მკერდი და მუცელი ნაცრისფერია, მუცლის თითოეულ სეგმენტზე ნათელი რკალებით.

სახეობის ტიპური ადგილსამყოფელია სამხრ. კავკასიის მთიანი სისტემა: ბანგებურისა და დარალგების ქედები. საქართველოში გვხვდება მესხეთ-ჯავახეთის ზეგანზე (სოფ. ხანდო, აწყური), მთის სტეპებისა და კლდის ქსეროფიტულ ლანდშაფტში ზ. დ. 1600-1800 მიდან 2500 მ-მდე. მატლი იკვებება რთულყვავილოვანთა ფოთლებით.

კ. ფ-ს მაღლიმიტირებელი ფაქტორებია: ტროპიკული წარმოშობა, იზოლირებული და მცირერიცხოვანი პოპულაციები, ექსტრემალური ჰაბიტატი, საძოვრებზე გადაჭარბებული ძოვება - შესაძლოა იქცეს სახეობის სრული განადგურების მიზეზად.

კ. ფ. გასულ საუკუნეებშიც იშვიათობას წარმოადგენდა. 1976-იდან შეტანილია საქართვე. ტერიტორიაზე დასაცავ მწერთა სიაში.

ლიტ.: დ ი დ მ ა ნ ი ძ ე ე., საქართველოს პეპლები. ენდემური, რელიქტური და იშვიათი სახეობები (ქართულ და ინგლისურ ენებზე), თბ., 2005; Д и д м а н и д з е Э. А., Чешуекрылые аридных ландшафтов Грузии (Lepidoptera, Heterocera), Тб., 1978; М и р з о я н С. А., Б а т и а ш в и л и И. Д. и др., Редкие насекомые, М., 1982; D i d m a n i d z e E., Georgian Biodiversity Country Study Report, INCN, Tb., 1996.

ე. დიდმანიძე
